

# **Abrahamwā ded pah**

## **ī jumat naawát**

### **Génesis 12 – 20**



**Abrahamwā ded pah**

**ī jumat naawát**

**Génesis 12 – 20**

**en**

**cacua**

**edición provisional**

**julio 2011**

Texto por Emilio López López

Dibujos por cortesía de

David C. Cook Foundation

# Abramdih Dios ã ejat

*Génesis 11.27-12.9*

Dawá jópchi táttimah, Babel ã jumüpji pebhbit  
jumni Caldéa baác, Ur tútchiboó Abram wüt  
jumni ãt jumüp wüt jí. Á íip Taré, ã úudwā  
Nahor, Haránbüt caán tútchiboó ït jumüp wüt jí.  
Harán wüúh, Lot, ã weh yata Milcá, Iscábüt ïjeéh  
ït jumüp wüt jí. Nahorboó ã úud Harán nuúm,  
Milcádih ãt áa jumüp wüt jí. Á wëp jeñé Abram,  
Sarai wüt jumnihdih ãt áa jumüp wüt jí.  
Táttimah, Ur tútchiboó ï jum jwuhuchah, Abram  
úud Haránboó  
ãt wunüp wüt jí.

Obohjeéhtih,  
caán baácdih  
moón Dios  
yoobátdih  
jéihcan, yeó,  
widh,  
cúiwädihbüt ïpí  
úubüp wüt jí.



Páant ī wēi ʉ́búchah ennit, Dios Abramdih nin pah āt niijíp wħet jī: “Míih baácdih, ma déewādih, ma íipdih yħħ buċa cädahnit, wā jħutni baác pínahna ma bejeé. Caánboó dawá yoobát ma juimená pínahdih wā cāac pooabipna caá. Meemdih chah wħet yáani wā chājbipna caá. Meemdih túi chājnitedih, wā túi chājbipna caá. Meém, weemdih ma túi jepahat jíib, nihat baácdih moondih wā túi chājbipna caá.”, Dios āt niijíp wħet jī.




Oboħżeéhtih, Sarai, Abram áaboó, weh wiċċannih mit jumup wħet jī. Páant mi jumuchah yħħna, Dios ded pah caántdih ā chājat pínahdih jéihna, “Ma juimená dawá ī jumbipna caá”, Abramdih āt niijíp wħet jī.

Pánihna, Dios caandíh ã wutat pah áih baác, Ur tútchimant Abramwā ìt bejep wut jī. Pánih áih baácmant ã bac láa, Abram setenta y cinco jópchi ãt bíbohop wut jī. Pánih bejnit, Abram, í wuhúh Lot, ã íip Taré, ájeéh boli Sarai, Nahorwábüt, Harán wüt jumni baácna ìt jwíih juiibínap wut jī. Pánihna, Harán baácboó í jum jwuhuchah, Abram íip Taré ãt wuhup wut jī.

Páant ã íip ã wunat túttimah, Dios caandíh ã jwuhub wutuchah, Abramwā Canaán baácna ìt juiibínap wut jī. Obohjeéhtih, Abram weép jeñé, Nahor ã déewā biícdih Harán baácboó ìt chawáp wut jī.

Páant Abramwā bejna, ã jenah joyátjeh ã jumni baácmant bejna ãt chajcap wut jī. Dios ã wutatdih jepahna, páant ãt chajap wut jī.

Pánih Canaán baácna jübínit, “Ma jüimenádih nin baácdih wā wühbipna caá”, Dios á nijíchah joinít, nihat pebhboó át táoh en jibip



wut jī. Pánih en jib bejna, chóop yapapmant púú Egipto baác pebh jumni Néguev wut jumupna át jübínap wut jī.

Nihat á en jib bejni baác táini míic át jumup wut jī.

Abramboó Diosdih táí oini jumna, á chéen yoobát át jumup wut jī.

*Jwiítbut biíc yoobó Diosdih jwī tíí jenah joyóchah,  
 caánboó jwī chéen yoobát ã jumna caá. Meemdih,  
 weemdihbüt Dios búdí ã oina caá. Abram deyoób ã  
 bejehah, ajeéh Dios át jumup wut jī. Jwiítdihbut  
 deyoób jwī bejehah, Dios jwíjeéh ã jumna caá.*

## Abram Egíptoboó ã jumat

*Génesis 12.10-20*

Túttimah, Abramwā Canaán baácboó í jumuchah, nihat caánboó jumnitdih nágúp láa át bejep wut jī. Pánihna, dedboo pohba í jeémát pínahdih ít bid juicáp wut jī. Canaán baácdih moonbát í jeémát pínahdih ít bid juicáp wut jī. Egípto baácdih moon pohba jeémát ít bíbohop wut jī. Pánihna, caánboó jeémát í bíbohat doonádih Abramwā ít joyóp wut jī.

Caán doonádih joinít, Abramwā Egípto baácna ít bejep wut jī. Pánih Egípto baácna bejna, Abram yad Saraidih ennit, mi tíí jígohochah, “Caántdih náahnit, weemdih í mao yohbipna caá”, át niíj jenah

joí úumüp wut jī. Páant niíj jenah joí úumnit, yad Saraidih nin pah āt nijíp wut jī: “Meém túi jígonih caá. Pánihna, Egiptodih moón ma túi jígohatdih ennit, ‘Wājeéh boli caá’, wā nijíchah, meemdíh náahna, weémboodíh ñta mao yoh taga. Pánihna, weemdíh ī mao yohcat pínah nijná, ‘Weém Abram jwan caá’, Egiptodih moondíh ma nijí”, Abram ãjeéh bólidih āt nijíp wut jī.

Pánihna, Egipto baácna ī jhibínachah, maáh faraóndih teo wūhnit, caánt mi túi jígohatdih ñt enep wut jī. Sarai tainih yoobát mit jumüp wut jī.

“¿Dedh

tigaá,

meém”? ī

niíj úábh

joyóchah

“Weém

Abram

jwan caá”,

mit niíj

yee jepahap wut jī.



Páant mi niíj yee jepahachah joinít, ī maáh faraóndih mi túi jígohatdih ennitji īt naáwáp wut jī. Waícanjeh Egiptodih bóo maáh Saraidih ā pebhna āt ub bejat túutüp wut jī. Pánihna, āih cāacwā faraón pebhna Saraidih īt ub juibínap wut jī. Obohjeéhtih, Saraidih faraón āt yéej chājcap wut jī. Faraón, Saraidih ā ubat peéh, yeejép wħnat nihat Egipto baácdih moondíh Dios āt wahap wut jī. “Sarai Abram áa caá. Pánihna, caántdih ma teoca bojoó”, Dios faraóndih āt niijíp wut jī. Dios páant ā niijíchah joinít, faraón caandíh āt jepahap wut jī.

Pánih jepahnit, faraónboó Sarai jíib, Abramdih dawá teo wħhnit neoná, teo wħhnit yaádh, ovejawā, camellowā, burrowādih yuh buca, āt wħħup wut jī. Pánih wħniji yuhna, ā wħhninadid jwáub dūuc wáican, Abramdih Saraidih jwáubanit, waícanjeh faraón āih baácmant āt jwáub bejat túutüp wut jī.

Pánihna, Abram yad Saraidih jwáub ubnit,  
Egipto baácmant át jwáub bejep wut ji.  
Pánih jwáub bejna, Abram chah dawá  
nunúpwā, cāacwādihbut át bíbohop wut ji.



# Abram Lotjīh ī míic pahat

*Génesis 13*

Abramwā Egipto baácmant jwáub jūóhna,  
 yoobópdih Néguevna īt jwáub juyáp wut jī.  
 Pánih jwáub juinít, Abram Lotjīh dawá  
 ovejawādih ī bíbohat jíib, yílip peéh queét  
 ovejawā en daonítboó īt míic jūihñap wut jī  
 Pánihna,  
 Abram  
 Lotdih nin  
 pah āt  
 niijíp wut  
 jī: “Jwiít  
 biícdih jwī  
 jéih jumcan caá”, āt niijíp wut jī.



Pánihna, Lot ā wēi enni baácdih ñionit,  
 Sodoma tútchina āt bejep wut jī.  
 Pánih bejna, Lot ā íbi Abramdih mácah īt yoób  
 jumap wut jī buca.

Pánihna, Lot ã bejat tttimah, Dios Abramdih nin pah ãt niij nawp wut j: “Nin nihat ma enni bacboó ma juimen, daw yoobt jumna, óondih jenah enna bujcat pah  jumbipna ca”, ãt nijp wut j. Can bacdih what tut nijn, Abram Ur ttchidih ã jum jwuhuchah, Canan bacna Dios ãt jwt tut wut j. Pnihna, Abram ã enni bacboó ã juimen  jumat pnah nijn, Dios caandh ãt nah jwejep wut j. Abramw  weh wih jwuhcah yuhna, “Ma juimen  jumat pnah bac ca”, Dios ã niij nawchah, “Jwit jwi weh wihcan ca”, niij jenah joicn, “W juimen  jumat pnah bac tiga”, caanjh ãt niij jenah joyp wut j.

Pnihna, Abram Hebrn ttchi pebh juibnit, Mamr wt jumni pebh ãt chwp wut j. Caanjh jumna, cag aabni poomp chjnit, Diosdih wina, nupwdih ãt mao co whp wut j.



## **Abram Lotdih ã jwúub túi ubat**

*Génesis 14*

Lot ã íbi Abramdih mácah bejniji Sodoma  
 tátchina ãt juiibí juemup wut jí. Caán tútchiboó ã  
 juem láa, bita maáta míic mawadih juinít,  
 Sodoma, Gomorra tútchidih moondíhbüt ït míic  
 mao yap yohop wut jí. Pánih míic mao yap  
 yohnit, Sodoma tútchidih moondíh ït teo bejep  
 wut jí. Pánih

queétdih ʉb dejna, Lotwādihbʉt ī ʉb bejchah, biíc jweiníboó Abramdih naáwádih át bejep wʉt jī. Abram pebhna jʉibínit, “Sodoma tútchidih moondíh teo dejna, Lotwādihbʉt ī ʉb bejep be”, át niíj naáwáp wʉt jī.

Páant ā niíj naáwáchah joinít, Abramboó trecientos dieciocho cāacwādih míic wáacnit, queétdih nʉʉn békna, Dan tútchina queétdih īt nʉʉn jwāáh jʉibínap wʉt jī. Pánihna, cheiboó queétdih páantjeh nʉʉnnít, pʉʉ Hoba tútchina nʉʉn jʉibínit, queétdih īt míic mao yap yohop wʉt jī. Pánih míic mao yap yohnit, ī ʉb bejnitjidih dʉuc wái, Lotwādihbʉt át túi ʉbʉp wʉt jī. Pánih túi ʉbnit, Abramwā ī jwʉʉb jʉʉwʉchah, Sodomadih bóo maáh queétdih jwāádih át bejep wʉt jī. Diosdih teo wʉhni Melquisedec wʉt jʉmnibʉt, Abramdih weñedih jʉibína, pan, jiwá iguíh macjīh át ʉb

juiibínap wut jī. Pánih ub juibínit, Abramdih nin pah āt niijíp wut jī: “¡Dios Chah Wēpni, jeádih, baácdihbüt chājni, meemdíh ā teo wáaca naáh. Dios táini yoobát jumna, meemdíh eníhcannit ī wēpatdih dūuc wáina, meemdíh ā míic mao yap yohat túutup be!” āt niíj wēi naawáp wut jī.

Páant ā niiját tóttimah, Abram ā jwúub dūuc wáini bií déenadih diez poómp chājnit, Melquisedecdih biíc poómp āt wūhp wut jī. Sodoma tóttchidih bóo maáh, áih cāacwādihjeh ubnit, bií déenaboodih Abramdih āt chāwáát túutup wut yuh jī. Obohjeéhtih, Abram caandíh nin pah āt niíj jepahap wut jī. “Meemjéh ma bíbohoó. Weemdíh wūhna nihna, ‘Weém caandíh bií déenadih wā wūhat jíib, dawá bií déena bíbohni Abram ā jumna caá’, mata niij tágá”, āt niíj jepahap wut jī. Pánihna, Abramboó Sodomadih bóo maáih bií déenadih āt ubcap wut jī.

# Agar Ismaeljīh ī jumat

*Génesis 16*

Abram áa Sarai, weh wihcannih mit jumup wat jī. Caántdih teo wūhnih Agar wūt jumnih, Egipto baácdih boli mit jumup wat jī.

Páinhna, “Weemdíh Dios weh wihcannih át chājap tagaá”, niijnít, Saraiboó Abram Agarjeéh á jumat pínah niijná, caandíh mit wūhup wat jī. “Agarjeéh ma jumusá. Caántboó wébít bid juinít, weemdíh mi weh jum wūhbipna caá. Páant mi weh jum wūhuchah, caán wébítboó wā wūh pah á jumbipna caá”, Abramdih Sarai mit niijíp wat jī.

Páant mi niijíchah joinít, Abrambut át túi jepahap wat jī. Sarai caandíh páant mi niiját, Dios á



jenah joyát ãt nihcap wüt jī. Mi jenah joyátjeh páant niijnít, queét chénat pah Diosdih ït yap yohop wüt jī.

Pánihna, Abram Agarjeéh ã jumat túttimah, mit wüdu jumüp wüt jī. Pánih wüdu jumna, mi maáh wilidih mi en íijatdih ennit, Saraiboó “¡Weemdíh Agar mi eníhcáat míih jíib caá”, Abramdih mit niijíp wüt jī. Pánihna, Abram Saraidih “Meemjéh ma jéihyep. Ded pah chājíhna, ma chājaá. Caántboó meemdíh teo wühnih caá”, ãt niijíp wüt jī.

Pánihna, Sarai Agardih yeejép mi chājachah, mi maáh wilidih mʉʉ wihtagna mit jwei béjep wüt jī. Páant caanná mi jwei béjachah, Dioíh ángel caántdih ãt jwāááp wüt jī. Pánih jwāáhnit, —¿Saraidih teo wühnih, dépanih tigaá ma jwei? ãt niijíp wüt jī.

—Wā maáh wilidih jweiná caá, wā chājap, mit niíj jepahap wut jī.

—Jwáub bejnit, ded pah ma maáh wili mi nijátdih ma jepahaá. Meém newé weépdih túuhnit, caandíh Ismael ma wut bádhbipna caá. Caánboó dawá yoobát jenah enna bájácan naáhwā ã juimená ñ jumbipna caá, Dioíh ángel Agardih át nijíp wut jī.

Pánihna, Agar Abramdih newé weép mit weh jum wúhp wut jī. Abram ã wúhdih Ismael át wut bádhdp wut jī. Ñ wúh Ismael ã cáac jum láá Abram ochenta y seis jópchi át bíbohop wut jī. Pánihna, Abram biíh wilijíh ã wúh át bíbohop wut jī. Páant ñ weh jumat Dios ã jenah joyát át nihcap wut jī. Diosboó Abramdih “Ma wúh, ma bíbohbipna caá”, át nijíp wut jī. “Ma wúh, ma juimená”, nijná, “Sarai wúh pínahdihjeh”, nijná,

āt chājap wut jī. “Dawá ma juimená ī juumbipna caá”, niijná, Sarai mi wūúh, ā juimená pínahdih niijná, āt chājap wut jī. Agar mi juimenádih Dios āt nijcáp wut jī. Agar mi juimenábüt dawá īt juumüp wut jī. Obohjeéhtih, queét mácah īt juumüp wut jī.

## Dios Abram biícdih ā juamat pínah naawát

*Génesis 17*

Pánihna, Abram noventa y nueve jópchi ā bíbohochah, Dios caandíh jígohnit:

—Weém Dios Chah Wēpni caá. Pánih wēpni juumna, ma juimená dawá ī juamat pínahdih wā cāac  
pooabipna  
caá.  
Queétboó  
dawá yoobát  
ī juumbipna  
caá.



Pánihna, buu, Abram, ma wüt jumatdih túut nüümnít, Abraham ma wüt jumna caá. ‘Abraham’ niijná, ‘Nihat baácdih moón ī nho’, niijná āt chājap wüt jī. Majeéh bóli Saraibüt mi wütdih túut nüümnít, Sara mi wüt jumna caá. ‘Sara’ niijná, ‘Nihat baácdih moondíh ī éet pínah caá’, niijná āt chājap wüt jī. Caántboó buu láa ma wühdih mi weh jumbipna caá, Dios āt niijíp wüt jī.

Páant ā niijíchah joinít, Abraham baácboó páah yoh ñajnit, bádí āt dehwep wüt jī.

—Páant weém cien jópchi bíbohni, wājeéh bóli Sara noventa jópchi bíbohnih pohba mi weh jummin niít? Abraham āt niijíp wüt jī.

—Obohjeéhtih, majeéh bóli Sara newé weépdih mi túuhbipna caá. Caán ma wühdih Isaac ma wüt báudhbipna caá. Pánihna, buu meemjéh, ma wüuh

Ismaeldih, nihat majeéh jumnit neonádihbüt ūih quehli nah yapat chóodih ma bóod yohoó, Dios Abrahamdih át nijíp wut jī.

Páant Dios á nijíchah joinít, nihat neoná wébít, japata, behnitdihbüt bid wáacnit, queétdih Abraham át bóodop wut jī. Dios á wutatdih Abrahamdih jepahat át náahap wut jī.

## Cáac panihnijeh Dios

### Abraham pebh á juyát

*Génesis 18*

Biíc yeó jáap Dios, cáac panihnijeh, Abrahamdih enedih át juyúp wut jī. Ájeéh chénewā caandíh pej jum júóhnit ángelwábüt ít jumúp wut jī. Yeó jáap tac yoób tūbit á chāhachah, Abraham áih muú jēcdih át en chúudúp wut jī. Páant á en chúudúchah, biíc peihcannit neoná á pebhna í júuwúchah ennit,

jwāáh bac bej, queétdih mūj tewat dée chājna,  
baácboó āt páah yoh ñajap wut jī. Pánih baácboó  
páah yoh ñajniji ñah ñuhnit, īih jítchanadih ī  
chocat pínah niijná, waícanjeh áih muúboó  
mahdih jhibí ubnit, āt juí wūhup wut jī. Pánih  
wūh péanit, waícanjeh yaddih pan āt chājat  
túutup wut jī. Táini nuñúpdih ñionit, caandíh teo  
wūhnitdih mawat túutnit, āt puubát túutup wut  
jī. Pánihna, nihatdih péa beedánit, queét  
juinítdih Abraham jeémát āt wūhup wut jī. Páant  
jeémát ā wūhuchah jeémpnit, biíc Abrahamdih  
nin pah āt niíj

uubh joyóp  
wut jī:

—Dee yoob  
tígaá majeéh  
bóli Sara mi  
jum?

—Muú

diítboó mi jumna caá,



Abraham āt niíj jepahap wut jī.

—Biíh jópchidih majeéh boli ma wüáhdih mi weh jumbipna caá, Dios Abrahamdih āt nijíp wut jī.

Abrahamdih páant ā niíj naawáchah, bih joinít, Sara caántjeh mit dehwep wut jī.

—¿Dépanih tigaá, Sara mi deoh? Dios āt nijíp wut jī.

—Wā deohcan caá, mit niíj jepahap wut jī.

—Ma deohna beé, Dios caántdih āt nijíp wut jī.

*Pánihna, ded pah jwī jenah joyátdih Dios ā túi jéih beedána caá. Ded caandíh ā jéih bih nijcán caá. Chaíhjeh jwī boto wéheatdih ā túi joí beedána caá. Caán Dios yoobát caá. Ded pah jwiít jwīh caolih diítboó jwī jenah joyátdih, ded pah jwī jumatdihbut ā túi jéih beedána caá.*

# Sodoma, Gomorradihbüt

## Dios ã yohat

*Génesis 19.1-29*

Abraham

pebh

j̄uinítji

yap bejna,

chéne

ángelwā



Lot ã j̄umni Sodoma tátchina cheyeh ït j̄uibínáp wut j̄i. Lotboó queétdih áih m̄uuná ub bejnit, át n̄umah jeémép wut j̄i.

Queét jib j̄uóhnit ï bid jeémp péaat túttimah,



caán

tátchidih

moón

japata, behnit biícdih Lotíh m̄uuná j̄uibínit,  
 “Ninjíh chéne neoná ma pebh j̄uinítdih jwī yéej  
 chāyat pínah niijná, jwī pebhna ma wah baca  
 boó”, īt niijíp w̄ut j̄i. Obohjeéhtih, Lot queétdih āt  
 jepahcap w̄ut j̄i.

Páant ā jepahcah, Sodoma t̄útchidih moón  
 queét j̄uinítdih tewíhna, Lotdih yeejép pohba īt  
 niijíp w̄ut j̄i. Páant yeejép ī niijíchah joinít,  
 ángelwā queét yeejépwādih jéih encannit īt  
 chājap w̄ut j̄i. Pánihna, caán t̄útchidih moón jéih  
 encannit, páantjeh īt b̄uug láj jwáub bej ñuhup  
 w̄ut j̄i, buca.

Páant ī j̄umuchah, ángelwā Lotwādih īt jwei  
 báç bejat t̄útup w̄ut j̄i. “Dios waícanjeh nin  
 t̄útchidih ā cáo yoh beedábipna caá. Pánihna,  
 jwei békna, ñi en jwáubaca bojoó”, Lotwādih īt  
 niíj naawáp w̄ut j̄i. Pánihna, Lot, yad, chéne ā  
 weh yatá biícdih īt jwei báç bejep w̄ut j̄i.

Obohjeéhtih, queét  
 ángelwā “Ni en  
 jwáubaca bojoó”, ī  
 nijíchah joiná yuhna,  
 Dios Sodomadih iigní  
 dahna ā wahni  
 buugúchah, Lot áa mit  
 en jwáubanap wut jī.

Páant mi en jwáubat jíib, náumni nahjeh mit  
 jumah bejep wut jī.

Lot áa Diosdih mi yap yohatji jíib páant mit  
 yapap wut jī. Pánihna, Dios ded pah ā nijíchah,  
 queétdih tui jepahat āt náahap wut jī.

*Buu, jwiútdihbut naóhna caá ā chajap. Jwiít jwī  
 yap yohochah, buu láabut biíc yoobó Dios ā peéh  
 chajbipna caá. Pánihna, Diosjeéh tui biúcdih jumat  
 túut nijná, ā nijátdih tui jepahat caá náahap. Páant  
 jwī jumuchah, Dios bádí ā wéina caá.*



# Lot weh yatá ded pah

## ĩ iipdih ĩ chajat

*Génesis 19.30-38*

Pánihna, nihat  
 Sodoma, Gomorra  
 tútchina, biíh  
 tútchinadihbüt yeejép  
 chājnít ĩ jumat jíib,  
 Dios nihatdih át cáo  
 beedánap wut jí. Dios  
 á wahnit ángelwā  
 Lotwā ĩ jwei bácat  
 túutat túttimah, Zoar  
 tútchiboó ít júibí  
 jumup wut jí.

Obohjeéhtih, Dios

Sodomadih iigát á wahachah, yad tac púud  
 ennajeh náumni nah mi jumuchah



enniji, bádí jumna, caán Zoar tútchiboó át jumíhcap wut jī. Pánihna, á weh yatádih jeéboojéh át nūmah jumap wut jī.

Pánih caánboó á nūmah jumchah, á weh yatáboó bita neoná wihsah enna, í sípdihjeh máihñanit, caánjeéh ít jumap wut jī. Páant í chājatdih í síp át noón jéihcap wut jī. Í sípdih máihñanit, ájeéh jumna, queét yaádh wébít ít bid juyáp wut jī. Pánihna, yad jeñé newé weépdih tāutnit, mi wūhdih Moab mit wüt báudhdap wut jī. Á juijmená moabítawā ít jumap wut jī. Yad jupubut newé weépdih māntih tāutnit, mi wūhdih Ben-Amí mit wüt báudhdap wut jī. Á juijmená amonitawā ít jumap wut jī. Túttimah, queét moabitawā, amonitawābut Abrabam juijmenádih eníhcannit ít jumap wut jī. Pánih eníhcannit jumna, bádí pohba míic mawat át jumap wut jī, buca.

# Abraham, Abimélecjīh

## ded pah ī jumat

*Génesis 20*

Táttimah, Abraham Guerar tútchina ã bejehah, ““Weém, Abraham jwan caá’, ma niijí”, yad Saradih ãt niijíp wut jī, páant māntih. Pánihna, Guerar tútchidih bóo maáh Abimélec, Saradih yad pínah ãt ub bejat túutup wut jī. Caan chéi Abimélec ã oo júmúchah, Dios caandíh jígochnit, “Saradih ma áa pínah ma ubca bojoó. Caántboó Abraham áa caá. Caántdih teona, meém, míih cääcwa yuh buca, ī wut beedbípna caá. Waícanjeh mi áa Abrahamdih ma jwúubanaá”, ãt niijíp wut jī.

“Obohjeéhtih, Abraham weemdíh ‘Wā jwan caá’, ã niijíp be. Páant ã niijíchah joinít, wā ubup be”, Abimélec Diosdih ãt niíj jepahap wut jī.

Páant oo máh Dios ã nijátjidih joiníji, cheibit jáanit, caandíh teo wūhnit nūmp jūmnit maátadih ãt bid wáacap wut jī. Pánih bid wáacnit, ded pah oo máh Dios ã nijátjidih queétdih ãt naáwáp wut jī. Pánih naóh péanit, Abrahamdih bid bojnit, nin pah ãt niíj uúbh joyóp wut jī:

—¿Dépanih tibeé weemdíh “Wā jwan caá”, ma niíj yee naóh? ãt nijíp wut jī.

—“Weemdíh ã mao yohbipna caá”, niíj jenah joinít, páant wā nijíp be, Abraham ãt niíj jepahap wut jī.

Sara jíib, Dios ã peéh chājachah, Abimélecwādih bádí pohba wūnat ãt jūmūp wut jī. Pánihna, Abimélec, Abraham, yaddihbūt ã jwúubaat pínah jātih, Abrahamboó Diosdih ãt uúbúp wut jī. Páant ã uúbúchah, Abimélec Diosdih ã túi jepahat jíib, Dios nihat queétdih ãt booa beedánap wut jī.